

UNIVERZITET  
„PRIVREDNA AKADEMIJA”  
BRČKO DISTRIKT  
BOSNA I HERCEGOVINA



# **PRAVILNIK**

## **O POLAGANJU ISPITA NA DALJINU**

Univerziteta „Privredna akademija”

Brčko distrikt BiH

Brčko, septembar 2023. godine

Na osnovu člana 9. Okvirnog zakona o visokom obrazovanju u Bosni i Hercegovini (“Službeni glasnik BiH”, broj:59/2007 i 59/2009), člana 7. stav 2. tačka b) i člana 53. stav 1. tačka e) Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH“, broj: 30/09, 29/18, 16/20 i 44/22), člana 22. stav 1. tačka e) Statuta Univerziteta “Privredna akademija” Brčko distrikt BiH, broj: 10-01-1/23 od 16.10.2023. godine, Senat Univerziteta “Privredna akademija” Brčko distrikt BiH, na svojoj redovnoj sjednici održanoj 20.09.2023. godine, donosi:

## **PRAVILNIK O POLAGANJU ISPITA NA DALJINU**

### **Opšte odredbe**

#### **Član 1.**

- 1) Pravilnikom o polaganju ispita na daljinu (u daljem tekstu: Pravilnik) propisuje se način provođenja završnog/usmenog ispita na daljinu na predmetima svih studija koje Univerzitet izvodi.
- 2) Za primjenu ovog pravilnika odgovoran je predmetni nastavnik na organizacionoj jedinici Univerziteta
- 3) Završni/usmeni ispit se izuzetno može polagati na daljinu, podnošenjem zahtjeva studenta putem elektronske pošte predmetnom nastavniku, uz usmenu saglasnost dekana organizacione jedinice.

#### **Član 2.**

Prijavom ispita student koji polaže ispit na daljinu, prihvata uslove o načinu polaganja ispita koji su propisani ovim Pravilnikom.

#### **Član 3.**

Protiv studenta koji se ne bude pridržavao odredaba ovog Pravilnika, pokrenuće se disciplinski postupak u skladu sa Pravilnikom o disciplinskoj odgovornosti studenta.

### **Uslovi sprovođenja ispita na daljinu**

#### **Član 4.**

- 1) Student se obavezuje osigurati uslove propisane ovim članom za normalno sprovođenje i polaganje na daljinu u prostoriji u kojoj pristupa ispitu.
- 2) Student u prostoriji mora omogućiti dobru vidljivost i njegovo radno mjesto mora biti obuhvaćeno video kamerom.
- 3) Na radnoj površini ispred studenta dozvoljeno je korištenje samo računara ili drugi uređaj kojim se pristupa ispitu, te prazan papir i olovka (ukoliko za tim postoji

potreba). Na stolu nije dozvoljeno imati udžbenike ili bilo kakva druga sredstva, što na nedopušten način može pomoći studentu tokom ispita.

- 4) Neposredno prije početka samog ispita, ispitivač može zatražiti od studenta da prođe kamerom po prostoriji u kojoj se nalazi, kako bi se uvjerio da li je student sam u prostoriji, te da li se ispred studenta na radnoj površini nalazi samo ono što je dozvoljeno.
- 5) Studentu nije dozvoljeno tokom ispita da prima pomoć od drugih osoba putem elektronskih ili računarskih aplikacija.

## **Prekid ispita**

### **Član 5.**

U slučaju neplaniranog prekida ispita kao što je nestanak električne energije ili drugi tehnički problem na platformi koju osigurava Univerzitet, predmetni nastavnik ili saradnik će odlučiti o daljem sprovođenju ispita, te svoju odluku što prije proslijediti studentima.

Nakon ponovne uspostave veze i daljeg toka ispita, ispitivač samostalno odlučuje hoće li poništiti pitanje koje je postavio prije prekida veze ili će nastaviti s pitanjem.

Ukoliko prekid traje duže od 60 minuta, ispit se mora prekinuti, a ako je prekid kraći od 30 minuta ispit se može nastaviti.

Ispitivač će se sa studentom dogovoriti o drugom terminu ispita.

## **Stupanje na snagu**

### **Član 6.**

Ovaj pravilnik stupa na snagu osmog dana od dana objavljivanja na internet stranici Univerziteta.

PREDSJEDAVAJUĆI SENATA  
REKTOR

Broj: 42-31/23

Datum: 20.09.2023. godine